

„თეოთმპროფეტისა უჩუთისი წმინდით ხადისი ყოყდეფანის სარინოეზისა. საცა უნდა დაწყოთ, იგი ყველგან სინისს... ყოყდეთ სასედიმეოთი, რიფიანს წმინდა ცოფათი თუ სიყვარული დაძვედით, ნაწილ-ნაწილად არის დაყოფილი, რამე პოფათ და მანდინისა აჯიფილი თის.“

# ხობის მოამბე

№13 (7173)  
21 ოქტომბერი,  
შაბათი, 2023 წელი.  
შპსი 0.70 ლარი.

## ხობის მუნიციპალიტეტის გაჭვდითი ორგანო

### რაპიპ მამედოვის ხსოვნისადმი მიძღვნილი ღონისძიებები




20 ოქტომბერს, ხობის კულტურის სასახლის მცირე დარბაზში, 1987 წელს ხობის სოფელ ჭალადიდში, სტიქიის ზონაში სამაშველო ღონისძიებების გატარების დროს დაღუპული რაპიპ მამედოვის შესახებ გადაღებული დოკუმენტური ფილმის - „19 წლის მხსნელი“ პრემიერა შედგა; ხოლო, ჭალადიდის ადმინისტრაციულ ერთეულში რაპიპ მამედოვის ბიუსტის გახსნის ცერემონია გაიმართა.

რაპიპ მამედოვის ხსოვნისადმი მიძღვნილ ღონისძიებებს აზერბაიჯანის საგანგებო და სრულუფლებიანი ელჩი საქართველოში ფაიგ გულიევი, აზერბაიჯანის პრეზიდენტის ადმინისტრაციის, სამეგრელო-ზემო სვანეთის სახელმწიფო რწმუნებულის ადმინისტრაციის, ხობის მუნიციპალიტეტის ადგილობრივი თვითმმართველობის, „შავი ზღვის ტერმინალის“ წარმომადგენლები და რაპიპ მამედოვის ოჯახის წევრები ესწრებოდნენ.



### ცხიფილი. ნომელსაც საქართველო არ იფინყებს!

„მოესწრებით იმ დროს, როცა საქართველო თავისუფალი გახდება! მაგრამ იცოდეთ, თუ მაშინაც დამოუკიდებელ ქვეყანაში, თავისუფლებისთვის შეწყვეტთ ბრძოლას, ამ თავისუფლებას დაკარგავთ თქვენც და ქვეყანაც!“  
**მერაბ კოსტაშა, საქართველოს ეროვნული გმირი.**



„კუთვნილ სიკვდილს თუ ამაღ ვუმზიარდ, მავინ ნამუსის ძული გავთელო, ჩემი საგზოგლო ზეცაა თამაღ, უმამეზ ეს მიწა და საქართველო.“  
**მერაბ კოსტაშა**

34 წელი გავიდა იმ საშინელი დღის შემდეგ... 1989 წლის 13 ოქტომბერი იყო, სახლში ტელეფონის ხმა გაისმა, ვერაფრით ვიხსენებ ვინ დამირეკა. შემატყობინა მერაბ კოსტაშას ავტოკარის შესახებ, თუმცა ვერ დამიკონკრეტა მერაბის მდგომარეობა. სასწრაფოდ ჩავიციე, მამაჩემს მანქანის გასაღები გამოვართვი და გავქანდი რუსთაველის მეტროსთან, მერაბის სახლთან.

ხალხის რაოდენობა ნელ-ნელა მატულობდა. აქვე შევხვდი ჩემს მეგობარს გიორგი ნასიძეს (მონარქისტული პარტიიდან) და კარგ ქართველს პოეტ ერეკლე საღლიანს. დაზუსტებით არავინ იცოდა მერაბი ცოცხალი იყო თუ არა. მაშინ, მოგესვენებთ მობილური ტელეფონი და ინტერნეტი არ იყო. ერეკლე საღლიანმა თქვა, წავიდეთ ზვიადთან კოლხურ კოშკში და იქ დავაზუსტებთ. ჩავსხედით ჩემს მანქანაში და წავედით გალის ქუჩაზე. მე და გია მანქანაში დავრჩით. ერეკლე შევიდა კოლხურ კოშკში... 15-20 წუთის ლოდინის შემდეგ გამოვიდა. ერთი სული მქონდა, რომ ეთქვა ცოცხალია, მაგრამ თავზარდამცემი ამბავი გამოგვიტანა. „ზვიადი ვნახე, ტირის კაცი. ზესტაფონის რაიონის სო-

ფელ ბორითთან მომხდარა ავტოკატასტროფა, მოასვენებენ უკვე. მალე თბილისში შემოვლენო“. ბევრი არ გვიფიქრია, წავედით შესაგებებლად. მცხეთამდე შემოგვხვდა სასწრაფო დახმარების მანქანა, რომელსაც უსაშველოდ გადაჭიმული მანქანების კოლონა მოყვებოდა. ჩვენც ამ კოლონამ მიგვახვედრა, რომ მერაბს მოასვენებდნენ. შემოვბრუნდით და გავყვევი კოლონას. სასწრაფოს მანქანა ე.წ. არამიანცის საავადმყოფოს მორგეს მიადგა. იმ დღეს ორჯერ შევედი მორგეში, იქ გამოვიტირე ჩვენი ეროვნული გმირი.

**ლევან ხოშბრია**

### ჩვენს მუნიციპალიტეტში

საქართველოს გაზის ტრანსპორტირების კომპანიის გაზიფიცირების სამსახურის უფროსი კახა დვალი, ფთის, ხობისა და სენაკის მაჟორიტარი დეპუტატი გიორგი ხახუბია და ხობის მუნიციპალიტეტის მერი დავით ბუკია გაზიფიცირების სამუშაოებს გაეცნენ. ხობის მუნიციპალიტეტის 11 დასახლებულ პუნქტში: პირველი გურიფულში, მეორე გურიფულში, გაღმა შუა ხორგაში, გამოღმა შუა ხორგაში, გამოღმა პირველ ხორგაში, გაღმა პირველი ხორგაში, ზემო ქვალონში, პატარა ფთში, გვიმარონში, ჭითაუშქურში, საალანო-საფაჩულიში, საქართველოს გაზის ტრანსპორტირების კომპანია, გაზიფიცირებისთვის საჭირო სამშენებლო სამუშაოებს ახორციელებს. პროექტის ფარგლებში ჯამურად აშენდება



104 442 გრძივი მეტრი გაზსადენი და 1 977 აბონენტი შეძლებს ისარგებლოს ბუნებრივი გაზით.

სამეგრელოში, ამჟამად, სამუშაოები მიმდინარეობს 6 მუნიციპალიტეტის 27 დასახლებულ პუნქტში. როგორც პროექტით არის განსაზღვრული, ჯამურად აშენდება 343

648 გრძივი მეტრი გაზსადენი და 4 687 აბონენტს მიეცემა შესაძლებლობა ჩაერთოს ბუნებრივი გაზის საერთო ქსელში.

მთავრობის მიერ დამტკიცებული, გაზიფიცირების 2022-2024 წლების გეგმის ფარგლებში, სამეგრელოში, 54 დასახლებული პუნქტის გაზიფიცირებისთვის საჭირო სამშენებლო სამუშაოები შესრულ-

დება, რომელიც დამატებით 9000-მდე პოტენციურ აბონენტს უზრუნველყოფს ბუნებრივი გაზით.

2013 წლიდან-დღემდე მთავრობის განკარგულების საფუძველზე, საქართველოს გაზის ტრანსპორტირების კომპანიამ, სამეგრელოში 127 დასახლებული პუნქტის გაზიფიცირებისთვის საჭირო ინფრასტრუქტურული სამუშაოები განახორციელა და 50 858 აბონენტმა შეძლო ბუნებრივი გაზის ქსელში ჩართვა. წალინჯიხისა და ჩხოროწყის მუნიციპალიტეტებში აშენდა 63 203 გრძივი მეტრის მქონე ორი მკვებავი გაზსადენი.



# ჩვენს მუნიციპალიტეტში



სამეცნიერო ინფრასტრუქტურის განვითარების სააგენტო ახორციელებს.

მომავალი წლიდან ნოჯიხევის და შუა ქვალონის სკოლები მოსწავლეებს, სრულად ადაპტირებულ, თანამედროვე სტანდარტების შესაბამისად აღჭურვილ, საგანმანათლებლო და სპორტული ინფრასტრუქტურით უზრუნველყოფილ, კომფორტულ და უსაფრთხო გარემოში მიიღებს.

საგანმანათლებლო და სამეცნიერო ინფრასტრუქტურის განვითარების სააგენტო აქტიურად ახორციელებს 1 მილიარდი ლარის ღირებულების მასშტაბურ პროექტს, რომელი

საქართველოს პრემიერ-მინისტრის ინიციატივის ფარგლებში ხობის მუნიციპალიტეტის შუა ქვალონის და ნოჯიხევის №2 საჯარო სკოლების სრული რეაბილიტაცია მიმდინარეობს.

საგანმანათლებლო დაწესებულებების რეაბილიტაციის პროექტის სახელშეკრულებო ღირებულება 2 201 681 ლარს შეადგენს.




სკოლების რეაბილიტაციის პროცესს ხობის მუნიციპალიტეტის მერის პირველი მოადგილე რევაზ ზაქარაია და მერის მოადგილე დავით ბერაია, საკრებულოს საფინანსო-საბიუჯეტო კომისიის თავმჯდომარე

ლევან ლიპარტიასთან და ეკონომიკისა და ქონების მართვის კომისიის თავმჯდომარე ვლადიმერ ქანთარასთან ერთად გაეცნენ.

საჯარო სკოლების რეაბილიტაციის პროექტს საქართველოს განათლებისა და მეცნიერების სამინისტროს საგანმანათლებლო და

ლიც საქართველოს პრემიერ-მინისტრის ირაკლი ლარიაშვილის გადაწყვეტილებით მიმდინარეობს და 2027 წლისთვის, ჯამში 800 სკოლის მშენებლობა-რეაბილიტაციას ითვალისწინებს.



ხობის მუნიციპალიტეტის სოფლებში „სოფლის მხარდაჭერის პროგრამის“ ფარგლებში მოსახლეობის მიერ შერჩეული ინფრასტრუქტურული პროექტები ხორციელდება.

მეორე გურიფულში (გურიფული) ნატანი მასისგან იწმინდება სანიაღვრე არხი, გამოღმა პირველ ხორგაში (პირველი ხორგა) სასაფლაოს შემოღობვა, ხოლო საქირიოში (ხამისკური) ხიდბოგირის მოწყობა მიმდინარეობს.

პროგრამის ფარგლებში შერჩეული პროექტების განსახორციელებლად 922 000 ლარია გამოყოფილი.

განსახორციელებელი პროექტები მოქალაქეებმა მუნიციპალიტეტის სოფლებში გამართულ დასახლების კრებებსა და კონსულტაციებზე შეარჩიეს.

ხობის მუნიციპალიტეტის საჯიჯაოს ადმინისტრაციულ ერთეულში ნაპირდამცავი გაბიონის მოწყობა დასრულდა.

ინფრასტრუქტურული პროექტის სახელშეკრულებო ღირებულებამ 135 000 ლარი შეადგინა.

სარეაბილიტაციო მონაკვეთზე წყალდიდობის დროს ირეცხებოდა სანაპირო ზოლი და იტბორებოდა საკარმიდამო ნაკვეთები.

პროექტი ხობის მუნიციპალიტეტის მერიამ მთავრობის მიერ მუნიციპალიტეტისთვის სტიქიის შედეგად დაზიანებული ინფრასტრუქტურის აღდგენისთვის გამოყოფილი თანხით განახორციელა.



6 ოქტომბერს, ხობის კულტურის სასახლის მცირე დარბაზში საქართველოს კულტურის, სპორტისა და ახალგაზრდობის სამინისტროს ლიტერატურული პროექტის—„ცოცხალი წიგნების“ ფარგლებში მწერლებთან შეხვედრა გაიმართა.

ლიტერატურულ საღამოზე მწერლებმა: ბაჩო კვიციანი, ნანა ქელეხიძე, გივი ჩილენაძე, ეკა ქაჯაია და რაულ ჩილაჩავა მკითხველებს თავიანთი შემოქმედება გააცნეს.

ღონისძიებას ხობის მუნიციპალიტეტის მერის მოადგილე დავით ბერაია და ადგილობრივი თვითმმართველობის წარმომადგენლები ესწრებოდნენ.

პროექტის ფარგლებში იმართება ლიტერატურული საღამოები, თანამედროვე ავტორთა წიგნების პრეზენტაცია და დისკუსიები მკითხველთათვის საინტერესო თემებზე

17 ოქტომბერს, ხობის კულტურის სახლის დიდ დარბაზში გაიმართა სპექტაკლის პრემიერა „გრძობათა ნამსხვრევებზე“ (ფუცუ დგებუაძე-ფულარია „ოქროს ბეჭედი“-ს მიხედვით)

მონაწილეობდნენ: შორენა ჯამბურია ნინო ქავთარაძე

ქორეოგრაფიული ანსამბლ „კოლხეთის“ მოცეკვავეები ბარბარე სოსელია, ლიზი ხურცილავა, ლუკა ჭითანავა, გიორგი ბუკია, გიორგი ცხადაია ლუკა პაპავა.

სცენარის ავტორი, რეჟისორი და მუსიკალური გაფორმება—მანანა შამათავა

მხატვარი—ირა სინარულია

ტექნიკური რეჟისორი—თეონა ჩარგაზია

ქორეოგრაფი—გოდერძი გახარია ოპერატორი—თინათინ ჯიქია ვიდეო მონტაჟი—ბესო გაბრავა

ტექ. უზრუნველყოფა—ბიძინა ტყეშუჩავა









**ქალბატონო შორენა, მართალია ხობში კარგად ვიცნობენ, მაგრამ ვთხოვთ ვაზეთის მკითხველს გაეცნოთ, ვინ არის შორენა ძაძაძია?**

–ვარ სოხუმელი, და ამაში ბევრი რამ იგულისხმება. როგორც ყველა დევნილს, მაქვს ტკივილიანი წარსული, რაზეც საუბარი ნამდვილად არ მინდა...

**რას გვეტყვი, როგორ გახსენდებათ აფხაზეთი, იქ გატარებული წლები. 30 წლის შემდეგაც რას ნიშნავს თქვენთვის აფხაზეთი?**

–აფხაზეთის მოსახლეობამ პირველმა იწვინა რა არის ომი და მისი შედეგები. 90-იან წლებში არც სახელმწიფო და არც სოციალური არ იყო მზად გამკლავებოდა ყველა იმ გამოწვევას, რაც აფხაზეთის დაკარგვით მივიღეთ. არც მსოფლიო თანამეგობრობა იყო საქართველოსადმი დიპლომატი-

ურად ახლოს. ამიტომ როგორც დევნილს, ისე მკვიდრ მოსახლეობას, ძნელი წლები ჰქონდა.

ჩემთვის საქართველო უბრალოდ ქვეყანა არ არის, ის ჩემი სამშობლოა. შესაბამისად, აფხაზეთი და სოხუმი ჩემი სამშობლოს სამშობლოა, უზომოდ მიყვარს და მტკივა. დიდი იმე-

**თავმჯდომარის, რა პრობლემების წინაშე იდევით და როგორ გაართვით თავი ამ ტკივილიან წლებს?**

–2004-2020 წლებში ვხელმძღვანელობდი დევნილთა და ვეტერანთა საკითხებზე მომუშავე განყოფილებას. 30 წლის განმავლობაში დევნილებმა მოახერხეს ინტეგრირება

**ნერგავთ?**

–ამაყამად, ბავშვთა უფლებების დარღვევისა და ოჯახში გახშირებული ძალადობის შემთხვევებმა განაპირობა მერიებში ბავშვის უფლებების დაცვაზე მომუშავე სტრუქტურული ერთეულის შექმნის აუცილებლობა.

ხობის მუნიციპალიტეტის მე-

ნიციპალიტეტის მერია აქტიურად მუშაობს და ქმნის ახალ პროგრამებს, რომლებიც მოსახლეობის საჭიროებებზეა მორგებული. აქვე უნდა აღვნიშნო, რომ ნებისმიერი პრობლემა მოგვარებადია საზოგადოებისა და სახელმწიფოს ერთობლივი ძალისხმევით. მნიშვნელოვანია მოსახლეობის აქტივობის, თვითშეგნებისა და პასუხისმგებლობის დონის ამაღლება და ჩართულობა სხვადასხვა პროგრამებში თვითდასაქმების მიზნით. სამწუხაროდ, ოჯახების ნაწილი სოციალურ შემწეობის იმედადაა და არ აქტიურობს ამ კუთხით.

**ქალბატონო შორენა, ცხოვრებაში რა გამძლეოტ მოტივაციას?**

–ზოგადად მიმაჩნია, რომ ადამიანი არასდროს უნდა დაენებდეს. მომწონს ფრაზა „როცა ყველაფრისგან იღლები, სწორედ მაშინ ყველაზე ახლოს ხარ გამარჯვებასთან“. რაც მაძლევს მოტივაციასაც და სურვილსაც ახალ გამოწვევებს ვუპასუხო.

მე უსაზღვროდ მჯერა მომავალი თაობის, მჯერა, რაც ჩვენ ვერ შევძელით, ისინი წარმატებით გაართმევენ თავს და ბევრად უკეთეს საქართველოში იცხოვრებენ!

მადლობა ინტერვიუსთვის.  
**ნანი კილასონია.**

## აფხაზეთი – სათვითარტი სახელი

### გლიც ინტერვიუ შორენა ძაძაძიასთან

დი მაქვს, რომ საქართველო აუცილებლად დაიბრუნებს დაკარგულ ტერიტორიებს.

**შეაფასეთ თქვენს მიერ გავლილი გზა, როგორც ხობში ლტოლვილთა და განსახლების კომიტეტის**

და ნაწილობრივ თავიანთი შესაძლებლობების რეალიზება.

მერიის სოციალური პროგრამები სრულად ეხება დევნილ მოსახლეობასაც, შესაბამისად, დარჩა მხოლოდ აფხაზეთის მოსახლეობის განსახლების საჭიროება, რომელიც სამინისტროს პრეროგატივაა. ამიტომ განყოფილებამ ამოწურა თავისი ფუნქცია.

**ამაყამად ხობის მუნიციპალიტეტის მერიაში ბავშვთა უფლებებისა და მხარდაჭერის განყოფილებას ხელმძღვანელობთ. გვიამბეთ რა არის თქვენი უშუალო ფუნქცია, რა პროექტები ხორციელდება, რა მიღწევები გაქვთ, რა სიახლეებს**

რიაში სამი წელია ფუნქციონირებს ბავშვის უფლებების დაცვისა და მხარდაჭერის განყოფილება, რომელსაც ვხელმძღვანელობ. განყოფილება დაკომპლექტებულია კვალიფიციური კადრებით: სოციალური მუშაკი, იურისტი, ფსიქოლოგი, ინსპექტორი და ექიმი. ამ დროის მანძილზე ჩატარებულმა კვლევამ და ოჯახების მონიტორინგმა აჩვენა, რომ ბავშვიანი ოჯახების გარკვეული ნაწილი სოციალური საფრთხის წინაშე დგას ძირითადად ავადმყოფობისა და საცხოვრებელი პირობების არქონის გამო, რითაც ირღვევა ბავშვის უფლებები.

ამ მიმართულებით. ხობის მუ-



**„შეხვედრა სოხუმთან!..“**

...ორივემ, ერთ პატარა, ფეხბურთელებს გაავადენეთ თვალი...მერე ერთმანეთს შევხედეთ და... ისე უცხად ამოვიცანით ჩვენი იდენტობა, დაკარგული ქვეყნის თვალცრემლიანები შევრჩით ერთმანეთს.

სოხუმური სლენგით მიმიზიდა... გლდანში მე-ნ მიკროსკენ გზას აყოლილს, მზერაც სხვანაირი ჰქონდა: ლალი, ზღვისპირული, შუბლგახსნილი შემომტკეპროდა!..

შემთხვევითობა იყო?

არა, შემთხვევით არაფერი ხდება!..

მონატრებამ შეგვახვედრა სოხუმელები, რომ ათასმეერთედ გაგვეხსენებინა სოხუმის ცენტრალური ქუჩა და მეორე სკოლა, სადაც ისტორიას ასწავლიდა–თურმე ახალაიას ქალბატონი!..

ათასმეერთედ მოგვგარა ჩვენი ოაზისი- სოხუმის ბულვარი და ზღვის მლაშე სურნელით გაჟღერებული სანაპირო!..

გვეცქირა ჰორიზონტისთვის, რომლის სადარი ვეღარსად ვპოვეთ!..

ისტორიკოსი რომ არ ვიყო, უფრო დავიჯერებდი, რომ დაბრუნების უამი ოდესღაც ჩამორეკსო- თქვა და აცრემლიანდა!..

შემნიშნა, რომ მის აზრს არ ვიზიარებდი... ერთად დავბრუნდებით- მეთქი- ლამის შთავაგონე!..

იქ სხვანაირად ამოდიოდაო მზე!

სოხუმის მთიდან ამოგორდებოდა და უღამაზესი დაისი იხატებოდა ჰორიზონტზე...ზღვის ტალღებში იხრჩობდა თითქოს თავს...მასთან შესახვედრად მთელი სოხუმი გამოეფინებოდა... ასეა ახლაც...ოღონდ ამ სილამაზეს მაყურებელი აღარ ჰყავს, ამ მიწის მკვიდრი, იქიდან განდევნილი ქართველი მაყურებელი!!

...27 სექტემბერს, სოხუმს მოდებულმა ცეცხლის ალმა დიდხანს გვდია.

კვლავ ისროდნენ გუმისთიდან. იბომბებოდა ქალაქი.

ჩვენ გაგვბოდიშ!

დროთა განმავლობაში მეხსიერების შრეებში დაღეძილი მძიმე დღეების ანაბეჭდები სიზმრებად იქცა. როდის-როდის ჩამინებულს, ჰაუბიცებითა და „გრაღებით“ მკვდრულეწილი შენობები, უკაცრიელი სახლები მეძახდა. წყალ-

რო მთრგუნავდა.არც ამ და არც იმ ათასწლეულში ამ ვალის გადახდას ჩემგან არავინ მოითხოვდა...მაგრამ... ამ საშინელ „მაგრამს“ წერტილი უნდა დასმოდა საკუთარი ჭერი უნდა გამეჩინა!

„ოქროს ბირჟაზე“ გატანილ სამკაულებში დიღერმა მისი არითმეტიკული საფასური გადამიხადა. შემეშველა სახლეულიც და...დევნილობის დასაწყისში, თბილისის გარეუბანში, გლდანში ბინა შევიძინე!!!

და... არა თავმოსაწონებელი აფხაზეთელი სოხუმელი.განვერიდები ხოლმე არადევნილ ნათესავებს, ახლოობებს...რომელთაც ჩემი, როგორც დევნილისა...ბევრი რამ არ ესმით!..

ქანცაწვეტილ სრბოლაში დუმული და ...ნასწავლი დუმულით მძიმე ხვედრის ადვილად ტარება ვისწავლე... და განვერიდე ცოდვებით დამძიმებულ სამყაროს...გულგრილობას...დახშულ ყურთასმენას...გავეცალე დანარ-

## ჩუ ღირს იმედი?..

გაუმტარი ბრეზენტითჩემი ორად განღეჩილი სახლის კედლებთან ვწრიალებდი...სარდაფში კიბეს ვეძებდი რომ სახურავზე ამეტანა ბრეზენტი და...ჩამორეცხვი-საგან რამდენიმე ქვა გადამერჩინა.

კიბეს ვერ ვაგნებდი... აღარც მეზობლები ჩანდნენ. ქალაქი გარდაცვლილიყო!.. უჭირისუფლო ცხედარს ცაღა დარჩენოდა მოტირლად!!

დრო კი გადიოდა... ..ნათესავებს შენიზნულს დღითიღვე მზარდი ვალი სულ უფ-

25 წელია ჯიბით გასაღებების აცმას დავატარებ და სტუმარს საკუთარ ჭერქვეშ ვხვდები. ვალი აღარ მეზრდება და სხვის ლუკმას ნაქურდალივით აღარ შევქეცვი...აღარც სხვისი კერიის ცეცხლი მიწვავს თვალებს... მაგრამ შევბა ვერც ამ კედლებში ვპოვე!..

ის არც ჩემი ციხე-სიმაგრეა!!... „ჩემის სივრცითი რადიუსი კარის საკეტთან იწყება და იქ მთავრდება. კარს იქით ადამიანები სახლობენ... ვისთვისაც ღირსებააყრილი ლტოლვილი ვარ

ჩენ საზოგადოებას!!

როგორც არასდროს, ისე ვილტი საკუთარი მიწის, მზისა და ჭერისკენ, რომელსაც აფხაზეთი დაპატრონებთან და...ჩემი შინ-დაბრუნების იმედი აუქციონზე გააქვთ გასაყიდად. ბინის საფასურად ხან ერთ თანხას მთავაზობენ... ხანაც მასზე ცოტათი მეტს...

...რა ღირს იმედი?!

**სვეტლანა კვიციანი,**  
**შურნალისტი**  
**აფხაზეთიდან.**



# ელიზბარ ნადარაია: „ახალ სტატუსს არაფერი შეუცვლია“



საქართველოს მეცნიერებათა ეროვნული აკადემიის აკადემიკოსი, თბილისის სახელმწიფო უნივერსიტეტის ალბათობის თეორიის და მათემატიკური სტატისტიკის კათედრის გამგე, პროფესორი, ფიზიკა-მათემატიკის მეცნიერებათა დოქტორი ელიზბარ ნადარაია საქართველოს მეცნიერებათა ეროვნული აკადემიის საერთო კრებამ აირჩია აკადემიის ნამდვილ წევრად სპეციალობით: ინფორმაციის დამუშავება და სტატისტიკური ანალიზი. „ეს არ იყო ჩემთვის ახალი გამოწვევა, ვინაიდან მე გახლდით აკადემიის წევრ-კორესპონდენტი 2001 წლიდან. ახალ სტატუსს ჩემთვის არაფერი შეუცვლია – როგორც ვმუშაობდი აქამდე, ასევე ვაგრძელებ მუშაობას“ – ამბობს ბატონი ელიზბარ ნადარაია.

თემატიკურ სტატისტიკაში ფართოდ გამოიყენება და დღემდე ეძღვნება უამრავი სტატია, რასაც მოწმობს ჩემი ციტირების ინდექსი, რაც შეადგენს რამოდენიმე ათასს“ – აღნიშნა ბატონმა ელიზბარმა, რომელიც თავის სამომავლო გეგმებსაც გვაცნობს.

„ჩემი სამომავლო გეგმები არ იცვლება, ის ისევე უკავშირდება ჩემს უნივერსიტეტს, ჩემს საყვარელ საქმეს, სამეცნიერო მუშაობას მათემატიკურ სტატისტიკაში. კერძოდ, ვაგრძელებ ალბათური განაწილების ფუნქციონალური მახასიათებლების არაპარამეტრულ შეფასებათა თეორიის ზოგიერთი ამოცანის კვლევას.

ჩემი ცხოვრების მანძილზე არცერთი დღე და წუთი არ ყოფილა, რომ არ მეფიქრა მეცნიერებაზე, პრობლემაზე და მის გადაწყვეტაზე. ასეა დღესაც, დასახული მაქვს უამრავი, ჯერ კიდევ ამოუხსნელი პრობლემის გადაწყვეტა. ასევე, ვაგრძელებ ურთიერთობას სტუდენტებთან და ახალგაზრდებთან, ვაგრძელებ აკადემიურ საქმიანობას თბილისის სახელმწიფო უნივერსიტეტში, ვკითხულობ ლექციებს ალბათობის თეორიაში და მათემატიკურ სტატისტიკაში“ – ამბობს ელიზბარ ნადარაია.

**P.S.. გაზეთ „სიბის მოამბე“ შემოკვეთებითი ჯგუფი გულწრფელად ულოცავს ბატონ ელიზბარს ამ აღიარებას, რამეთუ მისი ფასევი ხოლის მუნიციპალიტეტის სოფელ ახალი ხიზულიდან მოდის. მრავალშემიერ მისი სიცოცხლე...**

შეიძლება მკითხველმა იფიქროს, სად მწერალი, დრამატურგი, კომედიოგრაფი, მსახიობი და სად მისი რკინიგზელობა. ამაზე ქვემოთ მოგახსენებთ. მანამდე კი ზოგი რამ მისი ბიოგრაფიული ცხოვრებიდან.

პროფესორი სოლომონ ხუციშვილი თავის მონოგრაფიაში „აქსენტი ცაგარელი“ (გამომცემლობა „ხელოვნება“ 1958 წელი) წერს:

ასიკო ცაგარელი დაბადებულია 1857 წლის 9 თებერვალს (ძვ. სტ.) დიღომში. ცხრა წლის ასაკამდე მას სკოლაში არ უვლია. დედ-მამისა და უფროსი ძმის-ალექსანდრეს ხელმძღვანელობით შეუთვისებია წერა-კითხვა. 1856 წლის იანვარში იგი მიუბარებიათ თბილისის სასულიერო სასწავლებელში. ასიკომ სასულიერო სასწავლებელში 1875 წლამდე დაჰყო, მისი მასწავლებელი იყო იაკობ გოგებაშვილი. 1875 წელს ასიკომ დაამთავრა სასულიერო

სახელთან და შემოქმედებით ნიჭთან.

ს. ხუციშვილის წიგნიდან. 1882 წელს ნატო გაბუნია (23 წლისამ და ასიკო ცაგარელმა 25 წლისამ იქორწინეს). ნატო გაბუნია ა. ცაგარელის თითქმის ყველა კომედიაში მთავარი როლი ითამაშა. განსაკუთრებით დიდი პოპულარობა მოუტანა „ხანუმაში“ მაჭანკალის როლმა.

(მათ სიყვარულს და საერთოდ, ა. ცაგარელის ცხოვრებას შესანიშნავი წიგნი უძღვნა მწერალმა როსტომ ჩხეიძემ „და სიყვარულის ასე მოთმენა“ (ჩვენი მწერლობა 2014).

მიუხედავად დიდი პოპულარობისა, ასიკო ცაგარელი დიდ ხელმოკლეობას განიცდიდა. ზოგჯერ ლუკა-პურიც სანატრელი ჰქონდა. საბოლოოდ თეატრს და მწერლობას დაანება თავი და კერძო სამუშაოს ძებნა



კო დაანდვლიანა და გააბოროტა, ამ ხანში ლოთობასაც შეეჩვია, ისე დღე არ გაივლიდა, რომ იგი დალეული არ ენახათ“.

დაავადებულმა სხეულმა ვერ აიტანა ამდენი უწესრიგო ცხოვრება და 1902 წელს 12 აგვისტოს მოულოდნელად გარდაიცვალა.

# „ვინც ეს ქუდი დამახურაო...“

აკჰსენტი ცაგარელის ჭალადიდური ქრონიკა

სასწავლებელი მეორე თანრიგით და იმავე წელს შევიდა სემინარიის პირველ კურსზე, მაგრამ სემინარიაში არსებულმა მძიმე, აუტანელმა პირობებმა იგი აიძულა მიეტოვებინა სემინარია და კურსდაუმთავრებელი გამობრძანდა სასწავლებლიდან.

აკჰსენტი მოუსვენარ ბუნებას სულ სხვა არე ეჭირებოდა სანავარდოდ და აკი

დაიწყო.

„ნიკო ნიკოლაძის პროტექციით ასიკო ცაგარელი, ქალაქგარეთ მიდის სამსახურში და მერე რა სამსახურში? რკინიგზის სადგურის უფროსად. როცა კითხულობ ასიკო ცაგარელის კერძო წერილებს, თუ რა დამცირებით და ტანჯვა-წვალებით მიიღო ადგილი რკინიგზაზე, გული სევდით გვესება, რომ ეს უნიჭიერესი ადამიანი „იყო სოფელში და სოფელმა იგი ვერ იცნო“ (იოსებ გრიშაშვილი).

ასიკო ცაგარელი ინიშნება ჯერ თბილისის სადგურის უფროსის თანამდებობაზე, 1891 წელს „წარჩინება“ მისცეს და გადაიყვანეს ქურდამირში სადგურის უფროსის თანამდებობაზე. 1895 წელს ა. ცაგარელს ნიშნავენ



შემთხვევამ აპოვნინა კიდევ. ეს იყო ქართული თეატრი, მან დავით ერისთავის მეშვეობით ფეხი შედგა ალ. როინაშვილის ფოტოგრაფიაში, რომელშიც ქართულ დასს რეპეტიციები ჰქონდა გამართული და ქართული თეატრის დიდ საქმეს საფუძველს უყრიდა. ამ დღიდან ასიკო თეატრს აღარ მოსცილებია (ი. გრიშაშვილი).

ჩვენამდე სულ მოღწეულია მისი ხუთი კომედია. მისი პირველი კომედია გახლდათ „რაც გინახავს, ვეღარ ნახავ“, მეორე კი „ხანუმა“, რომელიც დაიწერა 1882 წელს და ის უშუალოდ არის დაკავშირებული ნატო გაბუნიას (ა. ცაგარელის მე-

ახალსენაკის სადგურის უფროსად, ხოლო 1896 წელს – ჭალადიდის სადგურის უფროსად.

ი. გრიშაშვილის წერილიდან „1898 წელს ჭალადიდში ჩვენს მწერალს ციებამ ხელი დარია და მწოლიარე ავადმყოფი შეიქმნა“. „ცნობის ფურცელში“ ვკითხულობთ:

„ჩვენი ცნობილი დრამატურგი აქსენტი ცაგარელი, რომელიც ჭალადიდის სადგურზე მსახურობს, ამჟამად თურმე მძიმე ავადმყოფია და ან თბილისში მოიყვანენ საექიმოდ ან ქუთაისში სამონ თოფურისთან“.

მიყრუებულ ადგილებში ხეტი-აღმა, უსიამოვნო სამსახურმა და ბევრმა სხვა მიზეზმა ასი-

ვალა.

საინტერესო მოგონებები დაგვიტოვა მწერალმა სოფრომ მაგლობლიშვილმა მის უკანასკნელ დღეებზე.

„მარიამობისთვის 12-ს შემატყობინეს, რომ ნატო შინ არ არის, ასიკო ავად არის და მიპხედო“.

მაშინ ის ავჭალის ქუჩის დასაწყისში იდგა, მე ძალიან ახლოს ვიდექი, მაშინვე გავქანდი. ასიკოს დამართოდა საშინელი ხურცება, ბოდავდა, ვილაცას ელაპარაკებოდა. იამა ჩემი ნახვა, მაშინვე მოვიწვიეთ ექიმი ექვთიმე ვაშაკიძე, უძიმელობა მითხრა. ნატო პროვინციაში იყო წასული. დეპეშა დაგვართო გორსა და სურამში, რომ ჩამოსულიყო. მე ასიკო გულზე მივიხვენი, ჭირის ოფლი დვარად სდიოდა, ოხუნჯობას მაინც არ იშლიდა... ამოხვენივით სთქვა „ოჰ ხანუმა, სად ხარ!? (ასე უწოდებდა თავის მეუღლე ნატოს) მე ვანუგეშებდი. დილიდან მოკიდებული ორ საათამდე აქეთ-იქით აწყვებოდა. შუადღის სამი საათი იქნებოდა, რომ ჩემს მკლავზე განუტევა ასიკომ სული. საღამოს ნატოც მოვიდა. ასე უდროოდ, უაზროდ და უპატრონოდ დაიღუპა ასიკო ცაგარელი, ჯერ კიდევ 45 წლის, შუახნის ვაჟკაცი“.

არ იყო აქსენტი ცაგარელის მოწოდება რკინიგზელობა... ბარბარე ცაგარელის თქმით, როცა მატარებელი ჩამოდგებოდა ბაქანზე, ასიკოს თავისი წითელკანტიანი ქუდის დახურვა ყოველთვის ავიწყებოდა და თავისებურად შეიკურთხებოდა ხოლმე „ვინც ეს ქუდი დამახურაო...“

**ბექან ნადარაია.**



# სეზონური გრიპის სწინააღმდეგო ვაქცინაცია დაიწყო

2023–2024 წლების სეზონისთვის ჯანმრთელობის მსოფლიო ორგანიზაციის რეკომენდაციების გათვალისწინებით, გრიპის სეზონურ ვაქცინაციას ექვემდებარება:

- ა) სპეციფიკური ქრონიკული დარღვევების მქონეთაგან:
  - დიაბეტის მქონე პირები;
  - დიალიზზე მყოფი პირები
  - ც ჰეპატიტის მქონე პირები(მხოლოდ მკურნალობაში მყოფნი)
  - აივ-ინფექცია შიდსის მქონე პირები
  - ორსულები
  - 60 და უფროსი ასაკის ხანდაზმულები

გრიპის სწინააღმდეგო ვაქცინაციისთვის ზემოთხსენებული რისკ ჯგუფების წარმომადგენლებმა უნდა მიმართონ თავიანთ ტერიტორიულ სამედიცინო დაწესებულებებს.

ვაქცინაცია არის უფასო. სეზონური გრიპი, გრიპის A და B ვირუსით გამოწვეული მწვავე ინფექციური დაავადებაა, იგი აინფიცირებს სასუნთ სისტემას (ცხვირი, ყელი, ფილტვები). გრიპი ხასიათდება როგორც მსუბუქი, ისე მძიმე მიმდინარეობით და შესაძლოა დასრულდეს ლეტალური გამოსავლითაც.

ნიდან კიდევ 5–7 დღის განმავლობაში.

გართულების გარეშე მიმდინარეობისას 1–4 დღის განმავლობაში სხეულის ტემპერატურა ნორმალიზდება და მე–7–მე–10 დღიდან იწყება გამოჯანმრთელება.

გრიპის ვირუსიდან თავის დასაცავად აუცილებელია ყოველწლიური ვაქცინაცია, წინა წელს დაავადების გადატანისა და ვაქცინაციის სტატუსის მიუხედავად. ვაქცინაცია ნთვეს გადაცილებულ ყველა ადამიანს შეიძლება ჩაუტარდეს.

იმუნიტეტის ჩამოყალიბებას 2–3 კვირა სჭირდება აცრის დღიდან, ამიტომ აცრა უნდა ჩაიტაროს გრიპის სეზონის დაწყებამდე, საუკეთესო დროა ოქტომბერი და ნოემბერი.

– გრიპისგან თავის დაცვის საუკეთესო საშუალება გრიპის სწინააღმდეგო ვაქცინაციაა.

– გა ნ ს ა კ უ თ რ ე ბ უ ლ ი სიფრთხილე გამოიჩინეთ ორსულებმა და ქრონიკული დაავადების მქონე პირებმა–მოერიდეთ მასობრივი თავშეყრის ადგილებს, გრიპის სიმპტომების გამოჩენისთანავე მიმართეთ თქვენი ოჯახის ექიმს.

– როგორც ჯანმრთელებმა, ასევე გრიპით დაავადებულებმა შეძლებისდაგვარად ხშირად დაიბანეთ ხელები საპნით და გამდინარე წყლით, რათა შემცირდეს ხელით ვირუსის გადატანის შესაძლებლობა, ხშირად გაანიავეთ საცხოვრებელი ადგილი და დაალაგეთ სველი წესით.

– დაავადებულთა თვითიზოლაცია: თუ გაქვთ მაღალი ტემპერატურა, თავის, კუნთების, სახსრების, და ყელის ტკივილი, დარჩით სახლში, მოერიდეთ ჯანმრთელ ადამიანებთან კონტაქტს:

– ჩაიტარეთ სიმპტომური მკურნალობა მიიღეთ სიცხის დამწვევი საშუალებები, გამოვლენილი სიმპტომების შესაბამისი მედიკამენტები, რათქმა უნდა, ექიმის დანიშნულებით.

– იმ შემთხვევაში თუ გამოვლინდება ისეთი სიმპტომები, როგორცაა სუნთქვის გაძნელება, ქოშინი, ცხვირ ტუჩის ციანოზი და ა.შ. სასწრაფოდ უნდა მიმართოთ ექიმს.

დაწვრილებითი ინფორმაციისთვის მოგვმართეთ ხობის მუნიციპალიტეტის საზოგადოებრივი ჯანდაცვის ცენტრში (მისამართი: ქ. ხობი, კოსტავას ქუჩა №3) ან დარეკეთ ტელეფონზე: 595956148, 577629830, 577795501.

**ჯუმაბერ ტურაბა, ხობის მუნიციპალიტეტის საზოგადოებრივი ჯანდაცვის ცენტრის დირექტორის მოადგილე– ექიმი პროფილაქტიკოსი.**

# ჩვენს მუნიციპალიტეტში

ხობის მუნიციპალიტეტში სტარტი აიღო საჯარო სკოლებს შორის სასკოლო სპორტულმა ოლიმპიადამ.

15 ოქტომბერს ჩატარდა შეჯიბრება ფრენბურთში, როგორც გოგონებში ისე ჭაბუკებში.

გოგონათა შორის პირველი ადგილი დაიკავეს და რეგიონალურ თამაშებში მონაწილეობის უფლება მოიპოვეს ხეთის საჯარო სკოლის



მოსწავლეებმა.

ჭაბუკთა შორის ჩემპიონები გახდნენ და რეგიონალურ სასკოლო ოლიმპიადაზე ჩვენი მუნიციპალიტეტის ღირსებას დაიცავენ–ახალი ხიბულის №2 საჯარო სკოლის მოსწავლეები.

18 ოქტომბერს ჩატარდა გეზრბენი (კროსი). გამარჯვება მოიპოვეს და რე-

გიონალურ თამაშებში მონაწილეობის უფლება მოიპოვეს გოგონა შორის ხობის №2 საჯარო სკოლის მოსწავლეებმა და ჭაბუკთა შორის პატარა ფოთის საჯარო სკოლის გუნდმა შეჯიბრება ადგილობრივი თვითმმართველობის მხარდაჭერითა და ა(ა)იპ „ხობის მუნიციპალიტეტის სპორტის ცენტრის“ ორგანიზებით ტარდება.



**მელსაც მოწვეული სპეციალისტი თამარ ჩიქავა უძღვებოდა.**

**ტრენინგს ქალაქ ხობის №1 და №2 საჯარო სკოლების და კერძო სკოლა „არეას“ IX-XII კლასების მოსწავლეები ესწრებოდნენ.**

**ტრენინგი ხობის მუნიციპალიტეტის მერიის ორგანიზებით, არასამთავრობო ორგანიზაცია „თანხმობას“ და ხობის საგანმანათლებლო რესურსცენტრის მხარდაჭერით ჩატარდა.**

**ხობის კულტურის სასახლის მცირე დარბაზში, კიბერუსაფრთხოებისა და კიბერჩაგვრის თემაზე ტრენინგი გაიმართა, რო-**



– ზოგადსაგანმანათლებლო დაწესებულებების(სკოლები) პედაგოგები

– სკოლამდელი ასაკის დაწესებულებების(ბაგა- ბალები) თანამშრომლები

– ჯანმრთელობის დაცვის პერსონალი ექიმები, ექთნები, ბებია ქალები, სტომატოლოგები, სამედიცინო დიაგნოსტიკური ლაბორატორიის პერსონალი.

ბ) ვეტერინარიის და გარემოს დაცვის სფეროში მომუშავე პერსონალი

გ) თავდაცვის, უსაფრთხოებისა და საგანგებო სიტუაციებზე რეაგირების სამსახურის თანამშრომლები.

დ) შინაგან საქმეთა სამინისტროს თანამშრომლები

ე) პენიტენციურ დაწესებულებაში მომუშავე პერსონალი.


საქართველოში გრიპის სწინააღმდეგო ვაქცინაცია დაიწყო 2023 წლის 16 ოქტომბერს.

ხობის მუნიციპალიტეტის საზოგადოებრივი ჯანდაცვის ცენტრის მიერ გრიპის ვაქცინა შემოტანილიქნა მიმდინარე წლის 15 ოქტომბერს, საიდანაც ჯანდაცვის ცენტრიდან მოთხოვნის საფუძველზე ხდება ვაქცინების გაცემა მუნიციპალიტეტის ყველა ტერიტორიულ სასოფლო– საექიმო ამბულატორიებზე, ასევე ევქისის ჰოსპიტალური ქსელის ხობის კლინიკაზე, შ.პ.ს. მკურნალზე, შ.პ.ს. პულსზე.



საქართველო

# ლევანი ბიჭი მოუკვდა ქალაქს... ილია (იკა) წურწუშია



აღმოსავლური სიბრძნე გვასწავლის: „სიკვდილს არაფერი ეშველება შეგუების გარდა“-ო, მაგრამ შეგუება და შეგუებაც, როგორ გინდა მშობელს და უახლოეს ადამიანს ამაზე ესაუბრო, მითუფრო ახალგაზრდის გარდაცვალების უამს... მაგარი ბიჭი მოუკვდა ნობს, კეთილი, განათლებული, სინდისიერი და რაც მთავარია, მოყვასის სიყვარულით მოპირთავებული ადამიანი. ყველა სიკეთესთან ერთად უსიმპატიურესი, თავისი ეპოქის კულტურული სახის განმასახიერებელი, თავმდაბლობის ესთეტიკურ კატეგორიად წარმომჩენი ახალგაზრდა. ნაკლებად ვიცი მისი, როგორც მოაზროვნე და მათემატიკის პიროვნების ირაციონალური ფენომენის გაცხადების რაობა, მაგრამ ვიცი, თუ როგორი სიყვარული შეეძლო, გულიდან ამომწვევებული და გადამდები. ყველა უყვარდა, ყველას პატიობდა, ყველას ემზებებოდა... ეს მისი შინაგანი არისტოკრატიული სიმამლის გამოძახილი გახლდათ, მხოლოდ მისეული და მისი პორტრეტის ასერივად შემამკობელი.

ასაკით ჩემზე უმცროსი გახლდათ, მასსოვს მისი და მისი უფროსი ძმის ლამას სკოლაში ფეხბურთის წლები, ჩემი

რუსულის მასწავლებლის, ძვირფასი ქალბატონის ზინა წულაიას შვილიშვილები გახლდნენ, ასევე ჩემი უსაყვარლესი პედაგოგის თამარ თოდუას უახლოესი ნათესავები და ჩემი ბიძაშვილის ზინა გვასაიას თანამერხელები. რათქმუნდა ასეთმა სიხლოვემაც განაპირობა მათი იმდროინდელი ასერივი მოთვალმზერება, მაგრამ იკა წურწუშიას არშემჩნევა შეუძლებელი გახლდათ, მიუხედავად ასაკობრივი სხვაობისა, არ შეიძლებოდა მასთან მეგობრობა და სიხლოვე არ გნდომოდა. წიგნიერი და მოაზროვნე ახალგაზრდა მუდმივად ყურადღების ცენტრში იყო, ამასთან გოგონებში უდიდესი მოწონებითა და პატივისცემით სარგებლობდა. ლეგენდები დადიოდა მის რომანტიკულ გატაცებებზე... ყველაფერი უხდებოდა და ყველაფერი ამაღლებდა, რადგან ზომიერებასა და ღირსების ფარგლებს არასდროს გადადიოდა...

ცალკე დიდი ფურცელია მისი სტუდენტობა და არეული, არვიცრობით აფორიაქებულ საქართველოში მისი, როგორც პატრიოტი ახალგაზრდის პოზიცია და შესაბამისად ღვაწუბა, ის ყოველთვის ვაჟკაცურად და კეთილად იქცეოდა, არასდროს მოუხიბლავს არც თანამდებობას მშობლებისას, არც საკუთარ წარმატებულ მდგომარეობას და როგორც ოთარ ჭილაძე ბრძანებს: „არც კალსტუხის ხიბლსა და სიმძიმეს მოუხრიბა ბეჭებში...“

იმ არეულობისა და დამაბულობის წლებში ყველაზე მისანდო და კეთილმშობელი ბიჭი გახლდათ. არასდროს უღალატნია მისი ინტელიგენტური, განათლებული ოჯახის ტრადიციისთვის!

რაც ყველაზე მეტად მხიბლავდა ილია წურწუშიას პიროვნებაში, გახლდათ ისიც, რომ

ნებაში, გახლდათ ისიც, რომ არ სჩვეოდა კომპიუტერის ძალაუფლებით მანიპულირება, პათეტიკური პატრიოტიზმი, ზერელე დამოკიდებულება ცხოვრებისა და ადამიანების მიმართ, ამიტომაც იყო თვალდასარჩენი მოქალაქე, გამორჩეული ქალაქელი და რაც მთავარია, ლამაზი ბიჭი, რომელსაც არ დაჰყვა ბედი, არ მოუნაგრა ის სიკეთე, რომელიც სვეს გაულამაზებდა და ისეთ ყოფიერ სამშენისს მოუტანდა, რომელსაც ნამდვილად იმსახურებდა.

ჩვენ ხომ დაწყებული თაობის შვილები ვართ, ომსა და უბედურებაში რომ დავხარჯეთ უღამაზესი წლები, სიკვდილსა და გადაგვარების სილიზდეს შევავლიეთ ძალღონე, ახალგაზრდული აღმაფრენები... შენთან ერთად ჩემს ახალგაზრდობის წლებსაც დავსტირი, მეგობარო...

მენახები, ჩემო იკა, საჯიშე ქართველო, მაგარო და მართალი ბიჭო, შუახნისობაც და მხცოვანებაც სხვანაირად მოგიხდებოდა, მითუფრო ცოლშვილითა და ნაგრამით დამშვენებულს, მაგრამ ამაშიც გიმუხხლა ბედმა, არადა... ეკ, იკა, იკა...

ქედს ვიხრი შენი სვეგამწარებული მშობლების წინაშე, მწუნარების გაზიარებით ვუსამძიმრებ ბატონ ედიშერს და ქალბატონ ნარგიზას, შენს ერთადერთ ძმა-ლამას, მის ოჯახს, და ყველას, ვის გულიშიმერ თუ სისხლისმიერ ნაწილადაც თვლიდი თავს... მასთან შენს სამეგობროს, უბანს და ხობს, რომელსაც დააკლდება სიყვარულისა და ღირსების მეგულსიტყვე ლამაზი ბიჭი-ილია (იკა) წურწუშია...

ნათელი დაგადგეს, კარგო ბიჭო, ხიბლიანო კოლხო, შენ იქაც გამორჩეულად კარგი იქნები!..

სიყვარულითა და დანანებით  
**ლამა გვასაიია.**

ჩვენი მეგობრების- ნარგიზა ტულუშისა და ედიშერ წურწუშიას ოჯახში გლოვის ზარია... მათმა უმცროსმა ვაჟმა 46 წელიწადი იკმარა ამქვეყნიური სიამოვნებისთვის, თუმცა წუთისოფლის ორომტრიალს ბევრად ნაკლები სიამოვნება გამოსტაცა, ვიდრე მის განსწავლულ და სიყვარულით სავეს ოჯახს ეკადრებოდა, მათ შორის უპირველესი წიგნიერება იყო... კომპიუტერის ეპოქაშიც მას ეთაყვანებოდა...

მაძიებელმა, მშფოთვარემ და სიმართლისათვის მებრძოლმა საზღაურად მრავალგზის იწვნია უსამართლობა... ეს იყო ჩვენი ბედკრული ქვეყნის იმდროინდელი საზომ-საწონი, თუმც არასოდეს უნანია... მაგრამ ბედს შეგუებულად არასოდეს ყოფილა...

ეს მაღალი, რომ იტყვიან „აწოწილი“ ბიჭი ისეთი საღმით ჩაგვივლიდა, გულში სიყვარულად გელვებოდა, მით უფრო, ფიზიკურადაც ერთი-ერთში გავდა მამამისს- ჩვენს კოლეგასა და მეგობარს....

ქართული პოეზიის მოტრფილემ უამრავი ლექსი ზეპირად იცოდა... მასთან სტუმრობა და მოლხენა ცალკე სიამოვნება იყო (მით უფრო, თუ მამაც თან ახლდა)...

ბედის უკუდმართობამ სიყვარულშიც უმუხთლა.. ამ გრძობას 10 წელი უერთგულა და... მასთან პეტერბურგში ჩასულს, ექიმების დასკვნით, სიყვარულით ანთებულმა გულმა უღალატა. ჩაქრა კიდევ ერთი სიცოცხლე- თბილი, კეთილი ყველას მოყვარული და დამხმარე, თავად კი გაუხარელი...

ძნელია ნუგეში უთხრა კეთილშობილ და ნაღვაწ დედას, ქალბატონ ნარგიზას, მრავალი თაობის აღმზრდელსა და მომფერებელს.

ვუსამძიმრებთ ჩვენს კოლეგას, ბატონ ედიშერს, ცალუდელად დარჩენილ ძმას, რძალს, ძმისშვილებს, ახლობლებს...

ნათელი დაუმკვიდროს უფალმა კეთილშობილ ახალგაზრდას..

რედაქციელების სახელით  
**მერი ლაგვილაკა.**

# ლევან ბუკია



ლევან, 16 ოქტომბერი, შენი დაბადების დღეა... გილოცავ!.. მენახება და მტკიცა შენი ადრე შეწყვეტილი სიცოცხლე, უსაშველოდ მენატრები, მშობლებისა და ერთადერთი დის საფიცარო. შენ მხოლოდ 23 წელი იკმარე ამქვეყნიური ტკობისთვის, წახვედი და უფლის რჩეული გახდი...


47 წლისა გახდი. გეფერები, ვდგევარ შენს საფლავთან და შენს მომღიმარ სახეს მივჩერებივარ, წარმომიდგენია, როგორი თბილი, მოაზროვნე, ჭკვიანი, შევერცხლილი თმებით, აქტიური, შენი სალოცავი და სახატე ქვეყნის ერთგული ჯარისკაცი იქნებოდი... საფლავზე შენი ახლობლების სიმრავლემ, რატომღაც სულმნათი ნოდარ ღუმბაძე გამახსენა: „რადგან არ იცით როდის მოვა სიკვდილი, დატოვეთ თქვენი წილი სიყვარული ამ ქვეყანაზე. დატოვეთ

დღესვე, რადგან ზვალ შეიძლება გვიანი იყოს. დატოვეთ თქვენი სიყვარული იქ, სადაც მიდიხართ. დატოვეთ თქვენი სიყვარული, რადგან თქვენ შემდეგ ვიღაც მოვა და თქვენს სიყვარულზე თავის გულს ჩამოჰკიდებს...“ შენმა დატოვებულმა სითბომ და სიყვარულმა დღემდე მოიტანა ხსოვნა და მჯერა, კვლავაც გააგრძელებს შენს სახელთან ცხოვრებას.

უფალმა სასუფეველი დაგიმკვიდროს. მეამაყები. გაუხუნარია შენი დიდებულება...

**მერი ლაგვილაკა.**

# ნიკა აბესაძე



ტკივილი, რომელსაც არც სახელი აქვს, არც საწყისი და არც დასასრული, ტკივილი, რომელიც მიწიდან იწყება და ზეცას უერთდება...

ორმოცი დღეც მიილია, რაც თავის სამუდამო ადგილსამყოფელში, მარადიულობაში გადასახლდა ჩვენი მეგობრის მანანა თათარიშვილის და სოსო ჭანტურიას საფიცარი შვილიშვილის ნიკა აბესაძის სული, უფალმა გულში რომ ჩაიკრა, მშობლებს და ახლობლებს გული და ღიმილი წარსტაცა. განარიდა მის მეგობრებს, სანათესაოს.

დიდი გლოვაა ნიკას ოჯახში, ვინ იფიქრებდა ასე ვერაგულად ჩაუსაფრდებოდა 13 წლის მოზარდს სიკვდილი, ვინ

იცის რამდენი ნატვრა და ოცნება დარჩა აუხდენელი... ძნელია ნუგეში, რა ხანმოკლე ყოფილა შენი საკალი სიცოცხლე.

განისვენე მშვიდად კარგო ბიჭო!

სიტყვა უძღურია... ვიზიარებთ და თანავუგრძნობთ სვეგამწარებულ მშობლებს და სანათესაოს.

**სობის საოლქო საარჩევნო კომისიის თანამშრომლები.**

გაზეთ „ნობის მოამბე“ თანამშრომლები მწუნარებაში თანავგრძნობენ მანანა თათარიშვილის და სოსო ჭანტურიას ოჯახს შვილიშვილის ნიკა აბესაძის ტრაგიკულად დაღუპვის გამო



# 24 ოქტომბერი, სობის ცენტრალური პარკი



www.khobi.ge

## ქე პიკუაის სობი

24. 10. 2023

**14:00**–მხატვრების თამარ ნადირაძე-ბუკიას და ნათია სანიკიძის ნამუშევრების გამოფენა.

**14:30**–ადგილობრივი მეწარმეების პროდუქციისა და ხელნაკეთი ნივთების გამოფენა-გაყიდვა.

**15:00**–შემეცნებითი და სპორტული ღონისძიებები.

**16:00**–ადგილობრივი შემსრულებლების კონცერტი.

**17:00**–ტრადიციული მეგრული კერძების მომზადების მასტერკლასი.

**18:00**–სობის საპატო მოქალაქეთა, განათლების სფეროში მოღვაწე პირთა და წარმატებულ სტუდენტთა დაჯილდოება.

**18:30**–გალა კონცერტი.

- ანრი ჯოხაძე,
- ნინი ბადურაშვილი,
- პროექტ „რანინას“ ბავშვები,
- ჯგუფი „რეგიონი“.

სალამოს გაუძღვება თიკა ფაცაცია.

**20:00**–საზეიმო ფეიერვერკი.

## „ცუცა ბებო“-100 იუბილარი

აფხაზეთში, ოჩამჩირის რაიონის სოფელ ფოქვეში დაიბადა და გაიზარდა ქალბატონი ლულა (ცუცა) ჯინჯოლია. აფხაზი ქალიშვილი მხოლოდ მშობლიურ, აფხაზურ ენას ფლობდა (მას ქართული მეგრული თუ რუსული ენა არ სცოდნია). მას შემდეგ, რაც ქართველ ვაჟკაცზე, პროფილე ჯიქიაზე, დაქორწინდა, ქართული და მეგრული ენებიც შეიტვისა. ტკბილად, ბედნიერად, სიყვარულით ცხოვრობდნენ ისინი. ხუთი არაჩვეულებრივი შვილის მშობლები გახდნენ.

იმდროს არავის გაკვირვებია და არც დაუწუწუნია, რატომ შეერთო ქართველმა აფხაზი ქალიშვილიო... შემდეგ მათი ორი ქალიშვილიც აფხაზი ბიჭების მეუღლეები გახდნენ... სიყვარულით და სიხარულით გადიოდა წლები. მრავალდებობიანი ქართულ-აფხაზურ

რი, აფხაზურ-ქართული ოჯახები, რომლებიც მუდამ სითბოთი და სიყვარულით იყო გაჯერებული.

აფხაზები, ქართველები, ბერძნები, ებრაელები თუ ესტონელები ამ მხარეში მეგობრულად ცხოვრობდნენ. ამ ერებს შორის მტრობა და შუღლი არასოდეს მუსიერებდა. იყო სიყვარული, პატივისცემა. ქართულ-აფხაზურ ოჯახებს ბუძემტეობაც აძლიერებდა... რა ლამაზად გამოხატა ამ ადამიანების ურთიერთობა პოეტმა შოთა ნიშნინიძემ თავის ლექსში „აფხაზური კანტატა...“ „ქორი წიწილას აფხაზეთში თუ იტაცებდა, ჰაუ, ჰაუო, გვიყვინია სამეგრელოში...“

მაგრამ მავანთა და მავანთა არასასურველი ჩარევით, მათი სიამტკბილობა მტრობით და სიძულვილით შეიცვალა. ამ ერებს შორის შუღლი გაჩ

და და... ქართველები დღეს აფხაზეთიდან აყრილები, საქართველოს სხვადასხვა კუთხეებსა თუ საზღვარგარეთის ქვეყნებში, წლებია დევნილის სტატუსით ცხოვრობენ და განსაკუთრებულ თანადგომას იჩენენ ერთურთის მიმართ. მაგრამ იმედი და რწმენა აფხაზეთში დაბრუნებისა და



მტრადმოკიდებულ, ერთან შერიგებისა არასდროს დაუკარგავთ.

ეს მოკლე ექსკურსი ქალბატონ „ცუცა ბებოს“ ლამაზ დღეს-დაბადებიდან 100

წლის იუბილეს მიუძღვნენ. 11 ოქტომბერს ქალაქ ხობში ქალბატონ ლულას შვილებმა, შვილიშვილებმა, მეზობლებმა, აფხაზეთიდან ჩამოსულ შვილთან და შვილიშვილებთან, ახლობლებთან ერთად დიდი ზეიმი გამართეს-100 წლის იუბილე ლულა ჯინჯოლია-ჯიქიას ოჯახში. სუფრას არც

ქალბატონს და მის საყვარელ პაციენტს-100 წლის ქალბატონ ლულას.

ლულა 5 შვილის დეა, 15 შვილიშვილის, 23 შვილთაშვილის და 4 ბაღმის ბებია გახლავთ (სამწუხაროა, რომ 2 შვილი ქალ-ვაჟი წლების უკან თბილისსა და აფხაზეთში დაკარგა. აფხაზეთში დაღუპული შვილი მხოლოდ ვიდეოთი იხილა და დაიტირა).

...ბავშვობაში გამიგია-აფხაზების უმრავლესობა საუკუნეს აღწევსო, ამის დასტურია ქალბატონ ლულას 100 წლის იუბილე.

ქალბატონო ლულა! გილოცავთ დაბადებიდან 100 წლის იუბილეს. დღევანდელი ქალბატონის წლების თანაზიარი გამხდარიყოს თქვენი მონაგარი-შთამომავლები და ყველა ის ადამიანი, რომლებმაც თქვენი სიხარული გაიზიარეს და ეს დღე მოგილოცეს.

**სუფრას არც**

**ქალბატონს და მის საყვარელ პაციენტს-100 წლის ქალბატონ ლულას.**

**ლულა 5 შვილის დეა, 15 შვილიშვილის, 23 შვილთაშვილის და 4 ბაღმის ბებია გახლავთ (სამწუხაროა, რომ 2 შვილი ქალ-ვაჟი წლების უკან თბილისსა და აფხაზეთში დაკარგა. აფხაზეთში დაღუპული შვილი მხოლოდ ვიდეოთი იხილა და დაიტირა).**

**...ბავშვობაში გამიგია-აფხაზების უმრავლესობა საუკუნეს აღწევსო, ამის დასტურია ქალბატონ ლულას 100 წლის იუბილე.**

**ქალბატონო ლულა! გილოცავთ დაბადებიდან 100 წლის იუბილეს. დღევანდელი ქალბატონის წლების თანაზიარი გამხდარიყოს თქვენი მონაგარი-შთამომავლები და ყველა ის ადამიანი, რომლებმაც თქვენი სიხარული გაიზიარეს და ეს დღე მოგილოცეს.**

**ნანი კილასონია.**